

# تورک یوردی

ناشری : تورک یوردی

مدیری : آق چوره اوغلی یوسف

ییل ۱۳۳۱ صای ۳    ۲ نیشان ۱۳۳۱    ییل ۴ جلد ۸ صای ۸۱

## بابر خان

محرری : فلورا آناسکیل

مترجمی : خالده اریب

باشی ییل ۳ - جلد ۶ - صای ۹ ده در

مبارک خوجه دیوردیکه :

— روحکه دقت ایت اوغل ، شاعرك دیدیکنی خاطرلا : روح یکانه  
قیمت ویریله جک شیدر ، وجوده باقه .

بو عقللی بر شی اولاماز . شیطانك حیلهلری میلیونلرجه در . اونك هر بر  
سجری بر زنجیر کبی در . سنك کندیکنی محافظه ایده جکک بش حیدود واردر . قولاق ،  
کوز ، تماس ، لذت وقوقو . اونلری زنجیرله ، اونلره صاحب اول . بعض شیلر  
حقیقتدر . بعضلری ده ساده جه رؤیت : «دنیاك اشیا سی هپ بر رؤیادر .»

احسان الدوله ترسله دی ،

جنکیز خانك یاسالرینی طوتسون اوکا یتر . جسور بر آدمه بو قدری کافی .  
اولوم و یاخود صوباده کافی بر جزادر .

خوجه جدی و متفکر کوردندی ،

— بونلر اسلامك احکامیدر همشیره ! و بزلر مسلمانز ، بت پرست دکلز .

اختیار قادین سرت جواب ویردی ،

— بت پرست اولسون اولماسون ، جنکیزك بوینه یتیشیرسه طورونم ایچین

کافیدر .

بالکه بو کلهلرک تأثیریه طاغ حدودلی مملکتدن ایلك آریایشنده افکاری  
هپ اجدادنده ایدی . اقساملری چادر آتشلرنده آزیجق نمایشکار و اودن  
فضله جسور اولیوردی و بوکا قارشى نویان کوکلطاش اونى قار چیغلرندن چکمه  
مجبور اولمشدی . فقط اونك هر حادثه قارشیشنده موقعنی محافظه ایدن وقاری  
واردی . نهایت سلطان حسین میرزانك کچیدلرک اوته سنده کی اوواده دبدبه ایله

دیزیلن چادرلری کورونجه او، بو بویوک اوتاغلره، صره صره منتظم چادرلره،  
زنجیرلی عربهلره بک آلیشق کبی کورونیوردی .

اوکنده ایکی سوارینک کوتوردیکی سنجاغک آرقه سنده اورته ده کی، بویوک  
یولدن کچرکن آتنک اوستنده باشنی چوق یوکسک طوتیوردی . ایشلمه لری  
و پارلاق دوکمه لری مبدول شیق عسکرلر بو ابتدائی آلایه تبسم ایدیورلردی .  
فقط هپسی آیری آیری اوکده برکنج اله کبی آت اوستنده کوزلری هر طرفه  
حاکم کنج باشوغنی تقدیر ایتک احتیاجنی حس ایدیورلردی .  
لوانطه قوقولی بر میرزا تبسم ایده رک :

— شطارتلی کنج بر خروسه بکزه یور. بقالم عمجه سی اونی دوکیشدیر .  
جکمی ؟ دییوردی .

فقط بابر داها فضله شمه جی و کوستریجی اولسه بیله، ایلک ملاقاتک حیرتی  
اونی اسکات ایده بیلیردی . مراسمه چوق اهمیت ورن قاسم بک، بیله آرق  
بوراده کی مراسمی یابایلمک ، امیدسز برشی اولدیغنی حس ایتمشدی .

— صفا کلدک یکن، دیه ببری قارشیلایان عمجه سنک اوزون بیاض صقالی،  
کنج پارلاق رنگلی اثوابلریله بر تضاد یاییوردی . هر حالده بو قیافت اوزون ،  
چکیک کوزلرک حیاتیله داها آهنگدار کورونیوردی . بو اختیار باش اوزرینه  
اوطورتیلان سیاه استراغان قالباق هیچ ده یاقشما یوردی .

بتمدی

### تورکک شتونی

« انجمن تدقیق » — تورک اسلام آناری حفنده تدقیقات و تنبعاذه بولمقی اوزره  
معارف نظارتی طرفندن « انجمن تدقیق » عنوانی بر انجمن علمی تشکیل اولونمشدر .  
انجمن ، تورک و اسلام عاللمینه وقوف و محبتلری ایله تمیزایدن اوهر اعضادن مرکبدر .  
انجمنک ریاستنه فضلادن علی امیری افندی ، کاتبکنه کوپرلی زاده فواد بک انتخاب  
ایدیلمشدر . انجمن دارالفنونده دائره مخصوصه سنده اجتماع ایده جک وایکی آیده بر دفعه  
« ملی تبعلر مجموعه سی » آدلی بر رساله علمیه نشر ایلیه جکدر . معارف ناظری بک افندیکن  
بومسعود تشبثی تبریک ایدر ، « انجمن تدقیق » . جدی موفقیتلر دیلهرز .

« قدر » مطبعه سی

مدیری : آق چوره اوغلی یوسف